

No. 01/2026
10 Feveiru 2026

KOMUNIKADU IMPRENSA

SERIMÓNIA ASINATURA

**PROJETU BA KONSTRUSAUN POSTU SAÚDE NIAN IHA SUKU NUNO-MOGUE,
POSTU ADMINISTRATIVU HATU-BUILICO, MUNISÍPIU AINARO**

NO

**PROJETU BA KONSTRUSAUN EDIFÍSIU ESKOLA EBF BERAU NIAN IHA
SUKU MAKADADE, AUTORIDADE ADMINISTRATIVA ATAURO
TUIR ESKEMA PROJETU ASISTENSIA SUBVENSAUN BA SEGURANSA UMANA
IHA BAZE**

Iha loron 10 fulan-Feveiru tinan 2026, serimónia asinatura ba kontratu asisténsia sira ba Projetu ba Konstrusaun Postu Saúde nian iha Suku Nuno-mogue, Postu Administrativu Hatu-Builico, Munisípiu Ainaro no Projetu ba Konstrusaun Edifísiu Eskola EBF Berao nian iha Suku Makadade, Autoridade Administrativa Atauro hala'o iha Embaixada Japaun nian iha Timor-Leste. Asisténsia ne'e fornese liuhosi Japaun nia eskema asisténsia dezvoltamentu "Subvensaun Asisténsia ba Projetu Seguransa Umanu iha Baze (GGP)."

Kontratu sira ne'e asina entre S.E. Sr. YAMAMOTO Yasushi, Embaixador Japaun nian iha Timor-Leste, no representante sira husi ONG lokal sira, HADEZTA no Asosiasaun Hanoin ba Futuru Juventude nian, ne'ebé sei implementa projetu sira. S.E. dr. Élia A. A. dos Reis Amaral, SH, Ministra Saúde, Sra. Manuela Georgina C.B. Corte-Real, Prezidente Autoridade Munisipál Ainaro, Sr. Mateus Belo, Prezidente Autoridade Administrativa Atauro, Sr. Apolinário Serpa Rosa, Diretor Jerál Edukasaun Pré-Eskolár, Edukasaun Bázika, Ministériu Edukasaun Rekorrente Edukasaun no lideransa komunitária sira marka prezensa iha serimónia ne'e.

HADEZTA sei halo konstrusaun ba Postu Saúde iha Suku Nuno-mogue, Munisípiu Ainaro no Asosiasaun Hanoin ba Futuru Juventude sei halo konstrusaun ba Eskola Primária iha Suku Makadade, Autoridade Administrativa Atauro ho montante finansiamentu kada projetu USD 133.000 husi Governu Japaun.

Embaixador Yamamoto hatete katak "Governu Japaun nian defende konseitu Seguransa Umanu. Ida-ne'e maka konseitu ida iha ne'ebé ema hotu-hotu, liuliu ema vulneravel sira, iha oportunidade hanesan atu goza sira nia direitu hotu-hotu no dezenvolve tomak sira nia potenciál umanu. HADEZTA no Asosiasaun ba Hanoin Futuru Juventude, sei implementa projetu ne'e hodi hadi'a asesu ba kuidadu saúde no edukasionál ba ema sira iha suku ida-idak".

Tel: 3323131/2

Embassy of Japan

Avenida de Portugal, Dili, Timor-Leste

Governu Japaun implementa ona projetu lubuk ida iha Timor-Leste, hahú husi dezvoltimentu infrastrutura ho eskala boot no apoiu industriál to'o projetu ho eskala ki'ik ne'ebé fó benefísiu diretamente ba comunidade lokál sira.

(Remata)

Ba informasaun klean bele kontaktu Seksaun Kooperasaun Ekonomia no Dezenvolvimentu Embaixada Japaun, Dili iha numeru 3323131/2

Tel: 3323131/2

Embassy of Japan
Avenida de Portugal, Dili, Timor-Leste

